

Refugee Legal:

ZORURI MALOOMAT ÓKKOL: TPV/SHEV OTTÚ PARMENÉNTH VÍZAT BODOLA

Dhoóñr bodolókkol

Federal Government (hÓkumot) e yálan elan gojjjede kí 14 February 2023 oíte zitará níki age uggwá Temporary Protection Visa (TPV) yáto Safe Haven Enterprise Visa (SHEV) aséde oíle yáto hínolla dorhás gojja aséde oíle hitara uggwá permanent Resolution of Status Visa (RoS visa) faibar lá layek oífaribo.

Zitara níki permanent RoS visa faibo hitarattú hár parmenénth takoiya okkolór dhoillá ekkú dhoillá hok arde cúida takibó,zeçe ase fémlir manuíc odót oibar mowka.

RoS víza ibar baboté hók okkol zanibollá maincottu kaanuni modot soón gan zorurí.

Eí maloomát yaánot buzái hoíbo dé ki:

- Keén goriyoré tuñí uggwá permanent RoS visa faiba; AR
- Keén goriyoré tuñí maana kaanuni modót faiba.

Hontará uggwá permanent RoS visa faibar layek oíbo?

Tuñí RoS visa faibar layek oí fariba zodi:

- Tuñí uggwá TPV/SHEV faíyo dé hendilla oó; yá
- Tuñí uggwá TPV/SHEV agé faailá dé hendilláoó ; yá
- Tuñí uggwá TPV/SHEV faiballá dorhas zoma díyyó aar faisala faiballá entezar goror.

Zodi tuáñr TPV yá SHEV vízar meyard hótom oigilé goi, tuñí uggwá RoS visa faiballá dorhas dí faribaá (mogor visa kensel oiyede hendillá oile no faribo).

Keñgori uggwá RoS víza faazaibo

1. Jítara níki TPVyáto SHEV loí ase kintu foror TPV yá SHEV ólla dorhás noó goree

Zodi tuñí uggwá TPV yá SHEV visa loi thakó aár TPV yá SHEV ólla dorhás noó goró, toíle tuáñrtú uggwá RoS víza faiballá dorhás diya foribó.

Eí ham yaán dúi tobkat oíbo:

- **1 nombor tobka: Februari oíte Marec ór akherí ottó fán**, kissú TPV/SHEV wala okkóle Department of Home Affairs (Department) ór torfottú uggwá RoS visa dorhás di faré fán dorhás goriballá cíci diyóre tuñáre dawát dibó. Jitárar víza furaíbar ottó oíye notoó jitararé ageraká foribó hendillá kés wala okkolore Department dawát diyóre funaibó. Hár manucoré edduróttót dawát diyóre funaibó dé hendillá noó. Visa ibár dorhás zomá dite hono hossá naí.
- **2 nombor tobka: Marecakherí ottó oíte**, hár TPV/SHEV wala okkolé online ót RoS víza faiballá dorhás gorí faribó. Department or hño dawát noó faíleo tuñí apply gorí faribá.

2. Jítara foror TPV yá SHEV ólla dorhás gojje

Zodi tuñí uggwá foror TPV yá SHEV ólla dorhás gojjjode oile ar tuáñr dorhás ór faisalá aijjó noó foó, tóilé tuñattú RoS víza faiballá dorhás gorá noó foribó. Tuáñr TPV yá SHEV ólla dorhás yáan nizébazé RoS vízar dorhás hisabé bodolí zaíbo goí ar tuñattú honó kissú gorá nño foribó. Tuáñr dorhás ór keís ór baboté hono maalumator zorurót thakilé Department tuáñr loí talukat gori áibó.

3. Jítara TPV yá SHEV ólla dorhás goíyoré faisala faibollá entezar gorér

Zdoi tuñí tuáñr foíla TPV yá SHEV ólla dorhás zomá diyyó aár aijjo hñoó faisalá noó foó, Department é tuáñr keís ór baboté haám salaái záibó. Tuáñr keís kobúl oíle, yaán nizé bazé RoS vízat kobúl oí bodolí zaí bó goí. Tuáñr keís Department é kobúl noó gorilé mogór IAA, AAT yáto Adalot ót tuñár afil kamiyaib oíle ar Department oré wapés dilé, tuñí RoS víza faibollá layék oíba.

Keñn gori kaanuni modót faiba

Bodol oyyé de hínor baboté kaanuni modot soon gan zorurí. Victoriaaardé South Australiat Maana kaanuni modót faibollá Refugee Legal loí taluk goró:

- Refugee Legal **TPV/SHEV Bodolor Hotline** - Combar ottu Chukkurbar 9.00am to 5.00pm eçe (03) 9413 0133
- Email: RoSVisa@refugeelegal.org.au
- Website: www.refugeelegal.org.au